



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ Ո Ր Ո Շ ՈՒ Մ

16 սեպտեմբերի 2022 թվականի N 1417 - Ա

ԳՆՄԱՆ ՊԱՅՄԱՆԱԳՐՈՒՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ
ԹՈՒՅԼՏՎՈՒԹՅՈՒՆ ՏԱԼՈՒ ՄԱՍԻՆ

Ղեկավարվելով Հայաստանի Հանրապետության կառավարության 2017 թվականի մայիսի 4-ի N 526-Ն որոշման N 1 հավելվածի 3-րդ և 57-րդ կետերով՝ Հայաստանի Հանրապետության կառավարությունը **ո ր ո շ ու մ է.**

1. Թույլատրել Հայաստանի Հանրապետության պաշտպանության նախարարությանը՝

1) «Եռաբլուր» զինվորական պանթեոնում շիրմաքարերի և դրանց լրակազմերի գնման նպատակով Հայաստանի Հանրապետության պաշտպանության նախարարության և «ԼԻԲՐԱ-Ս» սահմանափակ պատասխանատվությամբ ընկերության միջև 2021 թվականի նոյեմբերի 18-ին կնքված N ՀՄԱԱՊՁԲ-21-10/8-1 պայմանագրում (այսուհետ՝ պայմանագիր) կատարել հետևյալ փոփոխությունները՝

ա. պայմանագրի ընդհանուր գնի շրջանակներում պայմանագրով նախատեսված 6 տեսակի շիրմաքարերի ընդհանուր քանակների փոփոխություն, շիրմաքարերի լրակազմերում ընդգրկված բաղադրիչների փոխարինում այլ բաղադրիչներով, ինչպես նաև լրակազմերը նոր բաղադրիչներով լրացում՝ չկիրառելով Հայաստանի Հանրապետության կառավարության 2017 թվականի մայիսի 4-ի

N 526-Ն որոշման N 1 հավելվածի 56-րդ կետի 3-րդ ենթակետով նախատեսված սահմանափակումները,

բ. պայմանագրով նախատեսված ապրանքների մատակարարման ժամկետները երկարաձգել մինչև 2022 թվականի սեպտեմբերի 30-ը՝ «ԼԻԲՐԱ-Ս» սահմանափակ պատասխանատվությամբ ընկերության նկատմամբ չկիրառելով պայմանագրով նախատեսված տույժերն ու տուգանքները.

2) ուսումնասիրել և կայացնել համապատասխան որոշում գոհված գինձառայողների հարազատների կողմից կամ նրանց պահանջով կառուցված կամ ձևափոխված ու պայմանագրի պայմաններից որոշակիորեն տարբերվող շիրմաքարերի լրակազմերի կամ դրանց բաղադրիչների ընդունման հնարավորության վերաբերյալ.

3) գոհված գինձառայողների հարազատների կողմից շիրմաքարերի լրակազմերի որոշ բաղադրիչներից հրաժարվելու դեպքում, երկկողմ համաձայնության պարագայում, ձեռնարկել միջոցներ այդ մասով կանխավճարի վերադարձման ու պայմանագրի գնի նվազեցման ուղղությամբ:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

Ն. ՓԱՇԻՆՅԱՆ

Երևան